



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

VIII. *Epistola, in qua ratio redditur Libri nuper editi, cui titulus, De Arthritide Anomala, sive Interna, Dissertatio. Auctore Guil. Musgrave, M. D. Coll. Med. Lond. & Reg. Societ. Socio.*

Viro Clarissimo, *Hans Sloane, Med. Doct. Regiæ Societatis a Secretis, S. P. D. Guilh. Musgrave.*

DE *Arthritidis* in *Primigeniam* & *Symptomaticam* divisione, ad explicandum & tollendum multiformem hunc Affectum utilissimâ ; deque altero divisorum Membro, nimirum [*Arthritide Symptomatica* ;] in Dissertatione, annis abhinc aliquot, in lucem edita, differuimus : Aliam, (Vir Clarissime!) nunc propono, non minus utilem, atque adeo necessariam *Arthritidis* Divisionem, in *Regularem* & *Anomalam*.

Quum *Arthritis* Actio sit Naturæ, in sui defensionem alienum aliquod è Sanguine proturbantis ; ea præcipue *Regularis* est habenda, quâ, ex Naturæ proposito, alienum id, in locum idoneum, modo maxime convenienti, ejiciatur. Hoc autem apte ; hoc ægri summò cum emolumento, longæque amplissimo, fit in *Artubus* ; quos suapte sponte adit *Arthritis* ; quos sæpissime frequentat ; & in quibus, hæc de Causa, sedem ponere judicetur *Regularis*.

Quoties autem *Truncum*, aut aliquam ejus Partem Organicam, invadit ea ; quando isthoc ex Naturæ sive imbecillitate, seu frustratione fiat, & in Ægri mortem, aut periculum sæpe definat ; hæc *Arthritis* appellari potest *Anomala*.

Posita

Posita hac Divisione, quæ tam *Symptomaticæ*, quam *Primigeniæ* est *Arthritidos*, (utraque enim extra normam, & in alieno loco interdum agit) in Dissertatione mox edenda aggredior *Anomalam*; Corporis *Truncum* affligentem, ex-cruciantem: Eoque lubentius aggredior, quoniam, primum, hujusce generis *Arthritides* sunt permultæ, & valde inter se dissimiles: Deinde, magnam partem obscuræ, detectuque difficiles, & identidem periculosæ: Et postremo quia, tamen Veteribus (*Demetrio* scil. *Paulo Æginetæ*, *Galeno*, & *Aretæo*) non incognitæ; à plerisque tamen prætermittæ; à nemine unquam Medicorum, quod sciam, ex industria tractatæ; nedum a quoquam, uti par est, & pro rei dignitate, fuerunt expositæ.

Qua quidem Medicorum, hac in re, incuria factum est; ut, ex iis ægrotantibus, qui *Dolore Colico*; qui *Dysenteria*; qui *Asthmate*; qui *Phibisi*; qui *Angina*; qui *Apoplexia*; qui *Paralyse*; aliisque non paucis Affectibus exquisitis, veris, & genuinis perimi censerentur; revera *Arthritide*, sive ejus *Materia*; modo *Ventriculum*; modo *Intestina*; modo *Pulmonem*; modo *Fauces*; modo *Cerebrum*; aliasque *Trunci* *Regiones* occupante, premente, & graviter urgente, perimerentur; non tantum Morte, verum etiam Morbi *Causa*, propriaque Medendi *methodo* incompetâ, & penitus ignota, infelices.

In tradendis hisce *Anomaliis*, earum *Diagnoses* ex Symptomatum Ordinibus, sive earum *Historiis*, sunt elicendæ. *Ordines* hi Symptomatum *Pathognomonici* in eo concordant, quod ab *Arthritide Regulari* sumant ad unum omnes initium: Quandoquidem, de *Anomale Arthritidos* *ἡ ἀνωμαλία*, minime constare poterit, nisi de *Arthritide Regulari* præcurrente, prius constiterit: Atque hæc istarum *Ἀνωμαλιῶν* est *Par*s prima.

Discordant eo, quod eodem loco incipientes diversas omnes capeffant *Vias*: Uti *Radij* ejusdem *Circuli* ab eodem *Puncto* (nempe *Centro*) incipiunt; at, in diversa
abeuntes,

abeuntes, variis in Peripheria Punctis terminantur. E. g. *Colica*, *Phthisis*, & *Apoplexia*, quotiescunque Morbi sunt *Arthritici*, consentiunt in eo, quod *Arthritidi regulari* succrescant, & ex ejus Miasmate fiant, & committantur omnes : At quum Miasma illud nunc ad *Interanea* sit appulsum, ubi *Colicam* facit ; nunc ad *Pulmonem*, ubi *Phthisin* ; nunc ad *Cerebrum*, ubi *Apoplexiam* ; iccirco hujus *Colicæ*, *Phthiseos*, *Apoplexiæ* (id est, harum *Arthritidum Anomalarum*) Diagnoses partim ex *Intestinorum*, *Pulmonis*, *Cerebri*, nimirum ex locorum affectorum accidentibus sunt duccendæ : Atque hæc locorum internorum ab *Arthritide* in iis infixæ affectorum, accidentia, *Διαγνώσκων* harum est quod reliquum.

Canon harum *Anomaliarum* Pathognomonicus, hic est generalis ; *Quo certior Arthritidos regularis* *ῥαγξίς*, & *illius Materiæ*, in ea, quæ intus sunt, quo postea certior est *Translatio* ; eo confidentius *Anomalam*, & quidem in parte *nuperrime occupata*, esse *Arthritidem*, possimus statuere.

Ut autem *Arthritis Regularis* in *Provincia Extiori*, sive *Artubus* ; ita, in *Provincia Interiori*, sive *Trunco*, *Anomala* alios aliis locos frequentius subintrat ; gravius adfligit ; & profecto tam multos, ut in omni *Trunco*, quæ ea prorsus sit immunis, atque ex toto liber, vix reperiatur. *Ἄριστον, εἰς ὅσον ἔσται τὸ κακόν.*

Causæ harum *Anomalarum* sunt, primum, Miasma *Arthriticum*, diu in Sanguine contentum ; jam autem exulans, & Parti in *Trunco* alicui *Organicæ* commissum : Deinde, Partis affectæ imbecillitas, sive nativa, sive casu facta ; qua, ad onus suscipiendum, præ ceteris aptum, & proclive reddatur. Atque hæc duæ Causæ sunt *Internæ*, & in *Anomaliis* hisce universis locum obtinent : Alia est *Externa*, & evidens Causa ; omne scil. quod Miasma, vel à τοῖς ἔξωθεν repellens, vel iis affigi prohibens, ad ea, quæ intus sunt, illud intrudat.

Differunt hæc *Anomalie* inter se, *ratione Loci*, sive *subiecti*: Est enim alia *Ventriculi* ; alia *Pulmonum* ; alia *Cerebri*, &c. Tum *ratione Causarum*, quæ nunc remissius, nunc autem fortius agunt ; &, diversis agendi modis, diversas (*ratione Magnitudinis*) faciant *Anomalias* : Tum postremo *ratione Materiæ*, quæ pura puta nunc *Arthritica* ; nunc autem *Scrofulosa* ; nunc *Scorbutica* ; vel istiusmodi aliena est.

Medendi Indicatio generalis in eo consistit, ut *Arthritide Anomala* Pars affecta, quam citissime, quam tutissime levetur. Hæc autem fit, *Materiam* in ea depositam partim è Corpore evocando ; partim in Artus, in locum minus nobilem & sedem suam, transferendo.

Evocatur è Corpore *Materia* interdum *Venæsectione* ; sæpe *Purgatione* ; nonnunquam *Diaphoresi* ; aliis *Epispasticis* ; modo *Anacatharsi* ; interdum *Errhinis*, &c.

Premissis, quæ oportet, Evacuationibus, Curatio reliqua (quæ quidem hujus Dissertationis opus est præcipuum) optime perficitur, per *Materiæ* in Artus Translationem : Hæc enim ipsa Naturæ via est.

Ἄ δὲ ἀγνῶν, οὗ αὖν μέγιστα πῖπν, ἢ οὐσίς, τὰς αὖ ἀγνῶν, διὰ τῶν ἐνυποκρίσεων χερσίων. Quæ ducenda sunt, eo ducenda, quo maxime Natura viam affectat, per loca lege Naturæ commoda.

Et quidem huic *Arthritidis* Expulsioni eo potius suo tempore incumbendum ; quoniam *Materia*, quæ, post Evacuationes, in sanguine soleat *Arthritica* restare ; quæque ceteroqui partem nuper affectam repetat ; nullo quidem modo utilius, feliciusve, quam per Articula, possit extrudi.

Auxilia *Arthritidi*, in his quæ *Anomala*, ad 1^{am} Artus removendæ, & in viam reducendæ apta, sunt tum *Interna*, tum *Externa*.

Interna, *Arthritidem* expellentia, sive ποδαρρηγγοῦντα, sunt è Classe Medicamentorum *Cardiaca* magna ex parte selecta ; ut *Pulvis è Chelis C. C.* *Theriaca Andromachi*, *Spiritus volatiles*,

tiles, Vinum, cum multis istiusmodi aliis : Quibus addi oportebit è *Ferro Præparata*, tanquam hac in re valentissima : Maxime vero placet *Alcohol Martis*, five *Rubigo* ejus subtilissima ; quæ, ut reliqua omnia Præparata viribus æquare, ita quidem mollitie superare, unde Corporibus renellulis convenire reperitur.

En ejus *Exemplar*.

R. *Limaturæ Ferri* lb. x. *Sartagine*, vel *Patella terrea*, vitro obducta, *Urina madefac humana* ; æstivo sole, vel ad *Ignem sicca* ; iterumque (*Spatula Ferri* particulas, ne coalescant, bis in die agitando) irrora ; donec abeat in *Rubiginem Massâ*. Excelsam, & *Rubigine confectam* eam, in Mortario ferreo contunde : Tensam, & in pulverem redactam, situla, quatuor circiter Congios *Aquæ fontanæ* continenti, injice. Pulverem cum *Aquâ* commisce. Horæ post quadrantem, *Aquæ*, quod summum est, & minus turbidum, leniter detrahe ; & ad pulveris, in ea natantis, siccitatem evapora. Quod in situla relictum est humoris, similiter evaporetur. Pulvis in fundo crassior *Urina* irroretur, &c. uti prius : Itaque *Nutritio*, *Tritura*, perq; *Aquam* separatio repetatur, donec omne *Ferrum* in Pollinem matabitur. *Chartæ Emporeticæ*, Coni in formam circumvolutæ, *Pulveres* siccator inde ; *Aquam fontanam* fervescens, paulatim, & per vices, superaffunde ; donec urinoso sale penitus abluto, exstillabit *Aqua insipida*. Pulverem denno exsicca, & usui serva.

Ferrum hoc *Nutritum* est, five *Rubigo* ejus subtilissima, merum *Alcohol* ; non solum *Arthritide*, verum etiam *Chronicis* plerisque aliis, ægrotantibus, præcipue teneris & imbecillibus utilissimum. Dosis \mathfrak{ss} , semel, bis in die, pro re nata, cum veliculo idoneo.

Præter hæc communia, alia sunt *Interna*, quæ *Anomaliis* quibusdam singularibus occurrunt, & locis suis traduntur.

Si, ex *Internorum* usu, dies quatuor vel quinque continuato, nihil in Artubus Doloris, nulla *Arthritis* excitabitur; Articulo dolere solito, & sæpissime afflicto, vel quam proxime eum, applicetur *Emplastrum*, aut *Ceratum*, aut *Phænignus*; aliudve aliquod Materiam potenter eximens, & Tumorem elevans; cui denique Tumori, Methodo prædicta facto, *Epispasticum*, idque (si videbitur quod appellant *Perpetuum*, dies complusculos duraturum, admoveatur.

Hæc *Anomala*, sive *Internæ Arthritidos* Medicina generalis: Ut autem clarius intellegatur, è multis unam, & alteram *Anomalam*, specialius exponam.

Materia *Arthritica* minime sic, ut par est, è sanguine in Artus emissa; aut ex iis, causa aliqua evidenti & externa, retro acta, nunc *Ventriculum* (sive, ejus imbecillitate, sive reliquiis τῶν συνόψεων, in eo congestis allecta) intrat. Hinc *Ανέστις*, *Nausæa*, *Vomitio*; hinc *Virium* paulatim *imminutio*, *Macies*, & demum post menses aliquot (serius citiusve, pro ægroti robore) Mors. Ut malo tam gravi, nec quidem raro occurratur, è re futurum arbitror (præmissa Catharsi, altera, vel utraque) *ποδαπαγωγῆς internis*, hospitio novo, & cuique usurpato, Hostem exturbare, & in Artus pellere: Quam quidem operam, in hac *Anomala*, egregie præstant *Stomachica*, *Cardiaca*, & *Alexeteria* generosissima, frequenti & magna dosi adhibita: Quibus (si bidui, vel tridui spatio minime doleant Articuli) in subsidium veniant *Externa* modo dicta, *Articulis* creberrime dolentibus applicanda: Qua ego Methodo languidos, & marcescentes *Arthriticos*, certe non paucos, summo vitæ discrimine liberatos, sibi restitutos novi.

Simili modo *Pulmonem* aliquando virus infarcit, & corrodit *Arthriticum*; unde *Tussis*, *Sputatio*, *Facies* pallor, *Æstus Corporis Universalis*, *Phthiſeos* scil. incipit signa: Quam tamen, ne ingravescat, ut prævertas, non id tam *Cortice*, Lacte & ejusmodi *Frigidis* (sic, ut in *Phthiſi Primigenia*)

Primigenia) præstari possi ; quam *Calidioribus* ; *Balsamis* scil. & *Sulfure* præparatis ; quæ *Arthritida* partim, *Alia* catharsi expellant, partim ad 1^{am} *Apæ* fugent, exploratum est.

Quinetiam in *Apoplexia*, quæ dicatur, *Arthritica*, morbo utique tam crebro, quam ancipiti, nihil *Cerebro* prope modum oppresso, secundum *Evacuationes*, magis opitulatur ; quam è *Capite* Hostem *Phoenigmis*, & ejusmodi educantibus, quasi *μοχλικοῖς* in *Artus* evellere.

Prophylaxeos ergo, tum in prædictis, tum aliis quibuscunque hujus generis *Anomaliis*, magni utique momenti est, *Materia Arthritica* ne in *Sanguine* renovetur ; renovata vero ne ἀναμύλων agat, diligenter curam adhibere.

Capitum ordo, & Inscriptiones sunt hujusmodi.

Caput I. **D**E *Arthritide Anomala*, generatim.

Caput II. **D**E *Affectibus Ventriculi Arthritici*.

Caput III. *De Colica Arthritica*.

Caput IV. *De Diarrhœa Arthritica*.

Caput V. *De Dysenteria Arthritica*.

Caput VI. *De Abscessu Intestinorum Arthritico*.

Caput VII. *De Melancholia Arthritica*.

Caput VIII. *De Syncope Arthritica*.

Caput IX. *De Calculo Renum Arthritico*.

Caput X. *De Asthmate Arthritico*.

Caput XI. *De Catarrho, Tussi, & Peripneumonia Arthriticis*.

Caput XII. *De Phthisi Arthritica*.

Caput XIII. *De Angina Arthritica*.

Caput XIV. *De Capitis Dolore, & Vertigine Arthritica*.

Caput XV. *De Apoplexia Arthritica*.

Caput XVI. *De Paralyse Arthritica*.

Caput

Caput XVII. *De Doloribus in Corpore vagis, fixis; de Ophthalmia; de Erysipelate; & Achori-
bus Arthriticis.*

Caput XVIII. *De Epiphora, & Dolore Dentium Ar-
thritico.*

Caput XIX. *Corollaria continet, cum Epilogo.*

Hæc sunt (Vir Clarissime!) Quæ de *Interna Arthritide*,
Affectu non novo, sed cum magno humani generis in-
commo- do à nostris Hominibus neglecto, lucubravi; &
quidem, quantum in me est, ad *Hippocratis* mentem: Ita
enim Ille,

Καὶ τὸτο ἐν εἰδέναι χρεῖ, ἔτε Ἀλέου ἢ Νέου, ἔτε Μεταπίπτε ἐν
ἐρίῃ Νέου.

Vale, *Vir Doctissime!* Et *Societatem* summam, qua decet,
Observantia meo *Nomine* saluta.

Iscæ Damnoniorum, 3 Idus Aprilis, MDCCVII.

IX. *An Account of a Book, intituled, The Whole
Art of Husbandry. By J. M. Esq; F. R. S.*

THIS Book gives an Account of the several Ways and
Methods about the Inclosing of Land.

The way of ordering and improving of all sorts of
Pasture and Meadow Land, and of the overflowing and
draining Marsh and Boggy Lands, &c.

The way of making of Hay, and the Management of
Clover, St. Foin, and other *French* Grasses.

The ordering of all sorts of Arable Lands for all sorts
of Grains; the making of several sorts of Ploughs, and the
different